

金匱要畧淺註卷十

漢張仲景原文

閩長樂陳念祖修園註

男

元犀靈石 蔚古愚 全校字

雜療方第二十三

按金匱有二十三卷。至二十五卷。前賢斷為後人所續。刪之不使朱紫之混。確有卓識。然竟刪之。恐嗜古者有闕而不全之憾。不如姑存其說。以備叅攷。茲刻錄其原文。不加一字註解。以分別之。

退五臟虛熱。四時加減柴胡飲子方。

加減柴胡飲子方

柴胡

八分

白朮

八分

大腹楨榔

四枚、併皮子用

陳皮

五分

生薑

五分

桔梗

七分

以上冬三月柴胡稍多。

柴胡

陳皮

大腹楨榔

生薑

桔梗

枳實

以上春三月比冬減白朮。增枳實。

柴胡

白朮

大腹枳榔

陳皮

生薑

桔梗

枳實

甘草

以上夏三月比春多甘草仍用白朮。

柴胡

白朮

大腹枳榔

陳皮

生薑

桔梗

以上秋三月同冬三月。惟陳皮稍多。

右各咬咀、分為三貼、一貼以水三升、煮取二升、分溫三服、如人行四五里、進一服、如四體

壅、添甘草少許、每貼分作三小貼、每小貼以水一升、煮取七合、溫服、再合滓為一服、重煮都成四服、

長服訶黎勒丸方

訶黎勒

三兩

陳皮

三兩

厚朴

三兩

右三味末之、煉蜜丸、如梧子大、酒飲服二十丸、加至三十丸、

三物備急丸方

大黃

一兩

巴豆

一兩
熬外研如泥

乾薑

一兩

右藥各須精新，先搗大黃、乾薑為末，研巴豆內中，合治一千杵，用為散，蜜和丸，亦佳。密器貯之，莫令歇氣。主心腹諸卒暴百病，若中惡客忤，心腹脹滿，卒痛如錐刺，氣急口噤，停尸卒死者，以煖水苦酒服大豆許三四丸，或不可下，捧頭起灌，令下咽，須臾當差。如未差，更與三丸，當腹中鳴，即吐下便差。若口噤亦須

折齒灌之

治傷寒、令愈不復、紫石英寒食散方

紫石英 十分

白石英 十分

赤石脂 十分

鍾乳 十分

括蔞根 十分

防風 十分

桔梗 十分

文蛤 十分

鬼臼 十分

太乙餘糧 十分

乾薑

附子

桂枝 去皮各四分

右十三味杵為散、酒服方寸匕

救卒死方

薤搗汁灌鼻中

又方

雄雞冠割取血管吹內鼻中

猪脂如雞子大苦酒一升煮沸灌喉中

雞肝及血塗面上以灰圍四旁立起

大豆二十粒以雞子白并酒和盡以吞之

救卒死而壯熱者方

礬石半觔以水一斗半煮消以漬脚令沒踝救卒死而目閉者方

騎牛臨面搗薤汁灌耳中吹皂角末鼻中立效

救卒死而張口反折者方

灸手足兩爪後十四壯飲以五毒諸膏散

省也

豆者

救卒死而四肢不收失便者方

馬尿一斗、水三斗、煮取二升、以洗之、又取牛

洞

也稀糞

一升、溫酒灌口中、灸心下一寸、臍上

三寸、臍下四寸、各一百壯、差

救小兒卒死、而吐利、不知是何病方、

狗屎一九、絞取汁以灌之、無濕者、水煮乾者
取汁、

尸厥脈動而無氣、氣閉不通、故靜而死也、治方、
菖蒲屑內鼻孔中吹之、令人以桂屑着舌下、

又方

剔取左角髮方寸燒末酒和灌令入喉立起
救卒死客忤死還魂湯主之方

麻黃

三兩去節用

杏仁

去皮尖十七個

甘草

炙一兩

右三味以水八升煮取三升去滓分令咽之
通治諸感忤

又方

莖根

一把

烏梅

二七個

吳茱萸

半斤炒

右三味以水一斗煮之以病人櫛內中三沸櫛浮者生沉者死煮取三升去滓分飲之救自縊死旦至暮雖已冷必可治暮至旦小難也恐此當言忿氣盛故也然夏時夜短於晝又熱猶應可治又云心下若微溫者一日以上猶可治之方

徐徐挹解不得截繩上下安被卧之一人以脚踏其兩肩手少挽其髮當弦弦勿縱之一

人以手按揉胸上數動之一人摩將臂脛屈伸之若已僵但漸漸強屈之并按其腹如此一炊頃氣從口而出呼吸眼開而猶引按莫置亦勿苦勞之須臾可少與桂枝湯及粥清含與之令濡喉漸漸能嚥及稍止若向令兩人以管吹其兩耳朵好此法最善無不活者凡中暈死不可使得冷得冷便死療之方屈草帶繞暈人臍使三兩人溺其中令溫亦

可用熱泥和屈草亦可扣瓦碗底及車缸以
着喝人臍令溺湏得流去此為道路窮卒無
湯當令溺其中欲使多人溺取令溫若湯便
可與之不可泥及車缸恐此物冷喝既在夏
月得熱泥土煖車缸亦可用也

救溺死方

取竈中灰兩石餘以埋人從頭至足水出七
孔即活嘗試蠅子落水而死者用竈灰埋之

自活

治馬墜及一切筋骨損方

大黃

一兩切候湯成下

緋帛

如手大燒灰

亂髮

如雞子大燒灰

久解炊單布

一尺燒灰

敗蒲

一握三寸即蒲席也

桃仁

四十個

去皮甘草

如中指節炙剉

右七味以童子小便量多少煎湯成內酒一

大盞次下大黃去滓分溫三服先剉敗蒲席

半領煎湯浴衣被蓋覆斯使通利數行痛楚

立差利及浴水赤勿怪即瘀血也

禽獸魚蟲禁忌并治第二十四

凡飲食滋味以養於身食之有妨反能有害自
非服藥煉液焉能不飲食乎切見時人不閑調
攝疾疢競起若字當作莫不因食而生苟全其生須
知切忌者矣所食之味有與病相宜有與身為
害若得宜則益體害則成疾以此致危例皆難
療凡煮藥飲汁以解毒者雖云救急不可熱飲

諸毒病得熱更甚、宜冷飲之、

肝病禁辛、心病禁鹹、脾病禁酸、肺病禁苦、腎病
禁甘、春不食肝、夏不食心、秋不食肺、冬不食腎、
四季不食脾、辨曰、春不食肝者、為肝氣王、脾氣
敗、若食肝、則又補肝、脾氣敗、尤甚、不可救、又肝
王之時、不可以死氣入肝、恐傷魂也、若非王時、
即虛、以肝補之佳、餘臟准此、
凡肝臟自不可輕噉、自死者彌甚、